

# ՄԵՐ ՀՈՒՖԵԼՅԱՐՆԵՐԸ \* НАШИ ЮБИЛЯРЫ

## Գ. Ա. ԳԱԼՈՅԱՆ

(Մենդյան 60-ամյակի առթիվ)

Լրացավ Հայկական ՍՍՀ գիտությունների ակադեմիայի ակադեմիկոս, պատմական գիտությունների դոկտոր, պրոֆեսոր, ՀՍՍՀ պետական մրցանակի զափնեկիր, սովետական Նշանավոր պատմաբան Գալուստ Անուշավանի Գալոյանի ծննդյան վաթսուն տարին:

Անդրկովկասի ու Հայաստանի պատմության նոր և նորագույն շրջանի անվանի մասնագետ Գ. Գալոյանը ծնվել է ՀՍՍՀ Արթիկի շրջանի Եսիկին Փոֆր Պարեի, այժմ Հայրենական մեծ պատերազմում զոհված իր հոր անունը կրող Անուշավան գյուղում: Դեռևս Երևանի պետական համալսարանում ուսանելու տարիներին (1945—1950 թթ.) պարզորոշ երևան Լկան Գ. Գալոյանի գիտական և հասարակական աշխատանքի հակումները: Բնատուր խառնվածի զբաղումներ հանդիսացող երկու այդ ուղեգծին նա հավատարիմ մնաց շուրջ չորս տասնամյակի հասնող իր գործունեության ընթացքում:

Կոմերիտական դեկավար մի շարք աշխատանքներ կատարելուց հետո 1952 թ. նա ընդունվում է ՍՄԿԿ Կենտկոմին առընթեր հասարակական գիտությունների ակադեմիայի ասպիրանտուրան, որն ավարտելով հաջողությամբ պաշտպանում է քեկնածուական դիսերտացիա: 1955—1963 թթ. աշխատում է Մարտիզմ-լենինիզմի ինստիտուտի հայկական մասնաճյուղում, որպես ավագ գիտաշխատող, դիրեկտորի գիտական գծով տեղակալ: Այդ տարիներին խորանում և ճշանակալի գործ է կատարում պատմափաստագրական գիտության բնագավառում:

Գ. Գալոյանը իր գիտական գործունեության սկզբնական շրջանում ուսումնասիրության բնույթով դարձրեց 1917—1921 թթ.՝ ընդամենը հինգ տարի ընդգրկող, սակայն սոցիալ-ֆալաֆական իրադարձություններով բարդ ու հարուստ, իր հետևանքներով հայ ժողովրդի հակատազրի համար բախտորոշ ճշանակություն ունեցող ժամանակաշրջանի պատմությունը: Արդեն երեք տասնամյակ է նա զբեղի բուրք հիմնական աշխատություններում պարբերաբար անդրադառնում է Հայաստանում և Անդրկովկասում սովետական կարգերի հաղթանակի ու ամրապնդման պարբերական նշանակություն ունեցող շրջանառության մեջ, խորացնում իր հետազոտությունները և գիտական մեկնություն տալիս շատ կենսոտ հարցերի:

Առաջին մեկնությունների («Борьба за Советскую власть в Армении». М., 1957, «Մայիսյան հեղափոխության պատմությունը». Երևան, 1960) վրա աշխատելու ընթացքում համոզվելով, թե որքան մեծ շահեր են ընդունել բուրժուական պատմագրության կողմից Հայաստանի ու Անդրկովկասի այդ ժամանակաշրջանի պատմության խեղաթյուրումները՝ նա ձեռնամուխ Լիզով բժնամական գաղափարախոսության հետադիմական էությունը բացահայտելու գործին և շատով հրապարակեց այդ խնդրին նվիրված երկու ուսումնասիրություն («Социалистическая революция в Закавказье в освещении буржуазной историографии». М., 1960, «Անդրկովկասում սոցիալիստական ռևոլյուցիայի և կոմունիստական շինարարության պատմու-



քյան կեղծարարության դեմ»։ Երևան 1961)։ Հեղինակը առաջին գրքում ցույց է տալիս, որ հակասովետական պրոպագանդայի գլխավոր կենտրոնը ԱՄՆ է։ Ապա վեր է հանում բուրժուական պատմաբանների ու ֆաղափական շարժիչների (Ռ. Փայպս, Ս. Փեյջ, Ռ. Հենդլի, Ջ. Քեյսան, Հ. Կոնի, Ռ. Լոկարտ, Քյազիմզադե և ուրիշներ) փորձերը՝ տեսականորեն հիմնավորելու իմպերիալիստական պետությունների ագրեսիան ընդդեմ երիտասարդ սովետական հանրապետության, արդարացնելու Անդրկովկասի կամիսարիատի հակաժողովրդական ֆաղափականությունը։ Հեղինակը միանգամայն նիշա է վարվում, երբ վերցնում է առանձին հարցեր («Սովետական Ռուսաստանի ֆաղափականությունը Անդրկովկասում», «Թափվի կոմունան», «Մայիսյան ապրիլ-տամբությունը», «Քաղաքացիական կռիվները Հայաստանում»), բանավիճում դրանց չարքը և մերկացնում բուրժուական գաղափարախոսներին։ Հայերեն գրքում ընդլայնվում է ֆենարկված հարցերի ժամանակաշրջանը, բուրժուական հեղինակները ֆենադատվում են հատկապես Անդրֆիդրոսցիայի պատմությունը և երկրամասում սոցիալիզմի նվաճումները կեղծելու համար։ Գեահատելի է առանձնապես այս, որ Գ. Գալոյանը հերքում է բուրժուական պատմաբանների «տեսությունները» ոչ թե ընդհանուր ձևով, հրապարակախոսական բանաձևումներով, այլ համարձից կերպով, պատմական անդիմանիչ ու իրողությունները վատասլից շարադրելու եղանակով։ Այսպիսով, Գալոյանը սովետահայ պատմագրության մեջ առաջինն էր, որ հիմնավորապես անդրադարձավ բուրժուական պատմագրության ֆենադատությունները։

1962 թ. սեպտեմբերի Գ. Գալոյանի գիտական և հասարակական առավել ծավալուն ու քննադատական գործունեության ժամանակաշրջանը։ Այդ քվականին պաշտպանում է ղիսերաացիա, դուրսում Սովետական Միության ամենաերիտասարդ պատմաբան ղոկտորներից մեկը և նշանակվում ՀՍՄՀ ԳԱ պատմության ինստիտուտի ղիրեկտոր։ 1971 թ. նա ընտրվում է ՀՍՄՀ ԳԱ քրդ-թակից անդամ, իսկ 1982-ին՝ իսկական անդամ։ Ինչպես պատմության ինստիտուտի տնօրենի, այնպես էլ ԳԱ նախագահությունում ակադեմիկոս ֆարտուղարի (1979—1986 թթ.) և փոխդրդիդենտի պաշտոններում (1986-ից) դրսևորվեցին Գ. Գալոյանի գիտականակերպական ակընհայա ունակությունները։

Տասնվեց տարի շարունակ ղիսավորելով հանրապետության պատմագիտական մտքի կենտրոնի աշխատանքները, նա իր գործունեության հիմնական առանցքը դարձրեց հայ ժողովրդի պատմության ուրբհատարյակի ստեղծումը։ Թեև մեր ժողովրդի պատմության ուսումնասիրությունը մեկ ու կես հազարամյա անցյալ ունի, սակայն այդպիսի ընդգրկմամբ ու խորությամբ, ղիտական-ակադեմիական ծանրակշիռ աշխատություն առաջին անգամ էր գրվում։ Բազմահատորյակում ստեղծագործարար հանրագումարի են բերվել նայ պատմագրության նվաճումները, դրվել ու լուսարանվել բազմաթիվ նոր հարցեր։ Միանգամայն օրինաչափ էր, որ կոլեկտիվ այդ աշխատությունը, որի ստեղծմանը մասնակցել են հանրապետության ու նրա սահմաններից դուրս գտնվող անվանի մասնագետները, արժանացավ Հայկական ՍՍՀ պետական մրցանակի։ Հայ ժողովրդի բազմահատորյակի ստեղծման բարդ ու դժվարին աշխատանքները ղիսավորել է Գ. Գալոյանը։

Իրեն գրադեցնող հարցերի պատմական ակունքները բացահայտելու նպատակով Գ. Գալոյանը ստեղծանարար ընդլայնում է իր հետախոնությունների ժամանակագրական շրջանակները, սակայն մշտապես մնում հայ և Անդրկովկասի մյուս ժողովուրդների ֆաղափական պատմության հետազոտության ոլորտում։ Նրա հաշտող ուսումնասիրությունը («Рабочее движение и национализм в Закавказье (1900—1922)», Ереван, 1969) նվիրված է XX դարի երկու տասնամյակներում ցարական ինֆեակալության և բուրժուազիայի դեմ մղված պայքարին։ Անդրկովկասում բանվերական շարժումը և ազգային հարցի լուծումը հեղինակը ֆենարկուր է Ռուսաստանում հասունացող հեղափոխական պրոցեսի ընդհանուր հետնախոնքի վրա։ Աշխատության մեջ ընդգծվում է այն միտքը, որ XX դարի սկզբներից Անդրկովկասում ինֆեակալության և բուրժուազիայի դեմ երկրամասի աշխատավորների համատեղ պայքարը դառնում է հասարակական առաջադիմության հիմնական գործոնը։

Հայ ժողովրդի XIX դարի վերջերի և XX դարի սկզբի պատմության ուսումնասիրության մեջ գրեթե ավանդույթի ուժ ձեռք բերած երկու հիմնական միտում է դրսևորվել։ Այդ ժամանակաշրջանի հասարակական-ֆաղափական պատմությունը շարադրելիս հետազոտողների տեսադաշտում են եղել մի կողմից միայն ազգային-ազատագրության խնդիրները, մյուս կողմից նրանք շեշտել են սոսկ սոցիալական երանգավորում ունեցող հարցերը՝ անբառելով ու մեկուսի ուսումնասիրելով դրանք, իսկ երբևէ էլ անհարկի հակադրելով իրար։ Գ. Գալոյանը սույն մենագրության մեջ ըստ ամենայնի բացահայտել և հիմնավորել է սոցիալական ու ազգային պայքարի

միասնության տեսությունը: Նա ցույց է տալիս, որ պրոլետարիատը աստիճանաբար անցնում է Անդրկովկասի ժողովուրդների ինչպես սոցիալական, այնպես էլ ազգային պայքարի զլախ և որ ազգային-ազատագրական հարցերի լուծման վեճական պայմանը դառնում է բանվորական շարժման հաղթանակը: Աշխատության մեջ վեր է հանվել ցարիզմի հայաճալած ֆալաֆալիանությունը, ֆենարկվել է 1903 թ. հունիսի 12-ի օրենքը և այլ կարևոր անցքեր: Հեղինակը ֆենական մոտեցում է ունեցել և նորովի դիտել ուսումնասիրվող ժամանակաշրջանի բազում իրադարձություններ և իր նոր խոսքն ասել մի շարք խնդիրների մասին: Գիրքը գրված է գերազանցապես արխիվային նյութերի հիման վրա, որոնց մի զգալի մասը առաջին անգամ է դրվում գիտական շրջանառության մեջ: Գիտական-գաղափարական բարձր մակարդակով գրված այդ ուսումնասիրությունը սովետահայ պատմագրության՝ XX դարի առաջին տասնամյակներին նվիրված լավագույն ու մնայուն գործերից է:

Ռուսաստանի և Անդրկովկասի ժողովուրդների փոխհարաբերությունները լուսարևոզ հարող աշխատությունը հրատարակվել է Մոսկվայում և Երևանում, ռուսերեն և հայերեն («История и народы Закавказья», М., 1976, «Ռուսաստանը և Անդրկովկասի ժողովուրդները», Երևան, 1978): Նրանում հեղինակը ներկայացնում է Անդրկովկասի բախտակից ժողովուրդների ազատագրական պայքարը, նրանց ռուսական կողմնորոշման ձևավորման, երկրամասը Ռուսաստանին միացնելու, անդրկովկասյան և ռուս ժողովուրդների համագործակցության, նրանց դեմոկրատական ավանդույթների զարգացման հարցերը և այլ խնդիրներ: Այդ գիրքը ռուս-անդրկովկասյան առեւտրային արտադրող պատմաֆենական լուրջ ուսումնասիրություն է: Գրադարանական շարունակությունն ու ավարտն է հանդիսանում Հոկտեմբերյան հեղափոխության և Անդրկովկասի ժողովուրդների վերածնությանը նվիրված աշխատությունը («Октябрьская революция и возрождение народов Закавказья», М., 1977):

Եթե նախորդ ուսումնասիրությունում Անդրկովկասի ժողովուրդների և Ռուսաստանի հասարակական-ֆալաֆական ու մշակութային հարաբերությունները ֆենարկվում էին միջին դարերից սկսած, ապա վերջերս հրատարակված գիրքը («Պատմության ֆառուղիներում», Երևան, 1982) ժամանակագրական առումով ընդգրկում է հայ ժողովրդի ամբողջ պատմությունը՝ նրա ծագումից մինչև մեր օրերը: Սակայն հեղինակը նպատակ չի դնում տալու հայ ժողովրդի ֆալաֆական ամբողջ պատմությունը, այլ առանձին դրվագների, գերազանցապես ազատագրական մաֆառումների ու պայքարի էական իրողությունները ներկայացնելու միջոցով, կառ տրամաբանությամբ, ուրվագծում է մեր ժողովրդի անցած պատմական ուղին: Ռուսումնասիրության մեջ ուրվագծվում է հին և միջին դարերում իր գոյատևման համար ժողովրդի մղած դարավար պայքարը, նոր շրջանում հայ ազգային-ազատագրական շարժման դեմոկրատական բնույթը, հայ ժողովրդի սոցիալական և ազգային ազատագրումը: Գրքի վերջին բաժնում լուսարևոզվում են սովետական իշխանության տարիներին հայ ժողովրդի ձեռք բերած համաշխարհային պատմական նվաճումները:

Գ. Գալստյանը իր մենագրության և հարյուրից ավելի գիտական հոդվածների հեղինակ է: Ռուս և հեղինակ ու խմբագիր գործուն մասնակցություն է ունեցել «Հայաստանի կոմունիստական կուսակցության պատմության ուրվագծեր», «Սովետական իշխանության հաղթանակն Անդրկովկասում», «Անդրկովկասի կոմունիստական կազմակերպությունների պատմության ուրվագծեր», «Սովետական Հայաստանը 50 տարում», «Հոկտեմբերյան մեծ հեղափոխությունը և Սովետական իշխանության հաղթանակը Հայաստանում» (փաստաթղթերի ժողովածու) կոլեկտիվ աշխատությունների ստեղծմանը:

Գալստյանը գիտնականին բնորոշ է հասարակական բարդ երևույթները փաստական նյութի հիման վրա մարքոսիստական խոր վերլուծության ենթարկելու անուրանալի կարողությունը: Նրա բոլոր աշխատությունները գրված են գաղափարական խոր համոզվածությամբ և կոմունիստ գիտնականի կրքառությամբ: Գալստյան հետազոտողին հատուկ է լայն ընդգրկումը: Նա իրեն գրադեցնող պրոբլեմները ֆենարկում է ոչ միայն Հայաստանի ու Անդրկովկասի, այլ նաև համառուսական, անգամ համաշխարհային պատմական իրադարձությունների ընդհանուր հենքի վրա: Պատահական չէ, որ նրա աշխատությունները բարձր գնահատականի են արժանացել ոչ միայն հանրապետական, այլև միաթեմական գիտական և գիտական-կուսակցական («Вопросы истории», «История СССР», «Коммунист», «Լենինյան ուղիով», «Լրաբեր հասարակական գիտությունների», «Բանբեր Հայաստանի արխիվներին») հանդեսներում:

Գ. Գալստյանի գիտական գործունեությունը լայն հանաչման է արժանացել ինչպես հանրապետության մտավորականության ու լայն հասարակայնության, այնպես էլ համամիութենական

ու միջազգային պատմագիտական շրջաններում: Նա որպես պատգամավոր մասնակցել է պատմաբանների 13-րդ, 15-րդ և 16-րդ միջազգային կոնգրեսների աշխատանքներին: Բազմիցս հանդես է եկել Փարիզում, Մարսելում, Լոնդոնում, Հռոմում, Վիեննայում, Բուխարեստում, Բուդապեշտում, Պրագայում և այլ քաղաքներում զամարված միջազգային գիտաժողովներում:

Դասախոսի ու հրապարակախոսի ձիրքով օժտված Գ. Գալոյանը մանկավարժական-դաստիարակչական ակտիվ աշխատանք է կատարում Երևանի բարձրագույն ուսումնական հաստատություններում:

Գ. Գալոյանը քաղաքացի գիտնական է: Նա հմտորեն ու եռանդ կերպով գիտաճեղատուկան աշխատանքը զուգակցում է գիտակազմակերպչական և հասարակական գործունեության հետ: Նրա հասարակական գործունեության ծավալի ու բնույթի մասին պատկերացում կազմելու համար բավական է թեկուզ հիշատակել գիտնականին հանձնարարված հիմնական աշխատանքները: Գ. Գալոյանը եղել է (1964—1967 թթ.) ՍՍՀՄ Մինիստրների խորհրդին առըթիվ գիտության և տեխնիկայի գծով Լենինյան մրցանակների կոմիտեի անդամ, 1974-ից հանդիսանում է գիտության և տեխնիկայի գծով հանրապետության պետական մրցանակների հանձնաժողովի անդամ և ապա նախագահի տեղակալ: Նա ՍՍՀՄ-ՉՍՍՀ պատմաբանների հանձնաժողովի, մի շարք պրոբլեմային խորհուրդների, «ՍՍՀՄ պատմության» երկրորդ մասնաշարի խմբագրական կոլեգիայի անդամ է: Սփյուտհանայության հետ մշակութային կապի կոմիտեի ստեղծման ժամանակվանից Գ. Գալոյանը կոմիտեի նախագահության անդամ է և ակտիվորեն մասնակցում է օփյուտհ-հայրենիք կապերի ամրապնդման գործին: Գալոյանը բեղմնավոր աշխատանք է կատարում Արտասահմանյան երկրների հետ մշակույթի կապի կոմիտեում որպես նրա նախագահության անդամ և Սովետա-Ավստրիական բարեկամության ընկերության հայկական բաժանմունքի ղեկավար: Տարիներ շարունակ եղել է Երևանի քաղաքային սովետի գործադիր կոմիտեի անդամ, այժմ խաղաղության պաշտպանության հանրապետական կոմիտեի նախագահն է: Նա Հայաստանի կոմունիստական կուսակցության XIII համագումարից սկսած (1964 թ.) անընդմեջ ընտրվում է Կենտկոմի կազմում: Անհանգիստ ու եռանդուն, անմիջական ու գործունյա խառնվածքը, թերությունների նկատմամբ անհաշտ վերաբերմունքը, ահա այն հատկանիշները, որոնցով բնութագրվում է Գ. Գալոյանը թե՛ գիտակազմակերպական և թե՛ հասարակական-ֆուլգալական գործունեության մեջ:

Ակադեմիկոս Գ. Գալոյանը շարունակում է պրպտումները իր նախասիրած բեմայի՝ Անդրկովկասի հեղափոխական շարժումների և քաղաքական պատմության լուսաբանման ուղղությամբ: Նոր նյութեր գիտական շրջանառության մեջ դնելու նպատակով վերջերս նա երկար ժամանակ աշխատում էր Լոնդոնի «Փարիզի ռեկորդ Օփիս» արխիվում: Գիտական հասարակայնությանը և ընթերցողներին լայն շրջանները իրավամբ նրանից սպասում են բարձրարժեք նոր ուսումնասիրություններ: Իր ուժերի ծաղկման շրջանում գտնվող գիտնականին և հասարակական գործչին, գիտության շնորհալի կազմակերպչին ցանկանում ենք ստեղծագործական նորանոր հաջողություններ:

Մ. Գ. ՆԵՐՍԻՍՅԱՆ

ՀՍՍՀ ԳԱ ակադեմիկոս

Հ. Ա. ԱՎԵՏԻՍՅԱՆ, Վ. Բ. ԲԱՐԵՈՒԿՅԱՆ

ՀՍՍՀ ԳԱ քղբակից անդամներ